

IEP Svizra

In Institut per l'evoluziun da protocols per ils fatgs da sanadad svizzers.

L'onn 1848 è cumparida ina scrittira, cun la quala l'allianza confederala da lezza giada è daventada il Stadi federal svizzer. Questa Constituziun federala è stada il resultat d'ina guerra civila che ha manà ad in restabiliment da l'equiliber tranter l'influenza da la savida (pensaders liberals) e quella da la cardientscha (Baselgia catolica). Set chantuns han survegnì silsunter in'universitad, finanziada da la Confederaziun, che ha già la libertad da laschar perscrutar da professers tut quai che interessava ses gremis directivs en il sector da la medischina.


Questa libertad regalada daventa dentant pli e pli in problem da la populaziun, perquai ch'il burgais sto, sin fundament da la lescha, avair in'assicuranza da malsauns – el n'è damai betg liber – ma nagin na verifitgescha posteriuramain las teorias ed ipotesas dals professers da las universitads en connex cun la terapia iniziada. Quai vegn explitgà qua sut cun agid d'in exempel inventà libramain – per n'attatgar nagin – e cun preschentar la soluziun dal problem:

Exempel: In'ipotesa "nulla", inventada libramain d'in doctorand da medischina, pudess esser la suandanta: *umens e dunnas han survantscheglias tuttina lungas*. Sch'ins mesira ussa las lunghezzas da las survantscheglias da probands da studi voluntars, pon ins constatar a partir d'in tschert dumber da persunas examinadas ch'igl exista ina differenza statisticamain signifitganta (betg casuala) en la lunghezza dals pailins da las survantscheglias e ch'ins sto sbittar l'ipotesa nulla. Quai vul dir ch'il resultat da quest studi vegniss publitgà en in schurnal da psicologia sco suonda: *Las dunnas han normalmain survantscheglias pli curtas ch'ils umens, perquai ch'ellas las taglian pli savens per vesair ora pli armonicamain*. Ussa po in medi vender a tut sias pazientas in recept per tagliar las survantscheglias, per che las dunnas vegnian acceptadas da la societad gist tuttina sco ils umens che sa laschan apparentamain tagliar main savens las survantscheglias. Las cassas da malsauns ston ussa pajar ils custs per il recept, perquai ch'il medi ha survegnì quella decleraziun da ses professor da psicologia, quai che legra puspè ils managers da las cassas da malsauns che gudognan gea dapli daners cun la svieuta supplementara generada ch'els mettan a quint indirectamain puspè als pazients. Quai na fiss gea betg uschè nausch, ma quai chaschuna in'explosiun dals custs en il sector da sanadad, perquai che er il coiffeur dastga ussa metter a quint sia lavur per scursanir professiunalmain las survantscheglias. E quai malgrà ch'el na sa gnanc, sche las survantscheglias d'ina dunna svizra e quellas d'ina dunna rumena èn da tagliar tuttina lungas e tge ch'el ha da far cun ina "pazienta", sch'il bab da quella è Svizzer e sia mamma Rumena. Quai n'è nagin problem, perquai ch'ils pailins tagliads memia curt creschan gea suenter ed ins po puspè ir tar il medi per in recept.

Era sche quest exempel grotesc è inventà libramain, mussa el bain il problem che po resultar d'ina simpla ipotesa "nulla", sch'ils plects normal ed armonic na vegnan betg objectivads.

La soluziun dal problem: Sch'ins sa basa sin l'origin dal patratg d'idealisar il normal e l'armonius, sa tschentan ins insacura tar Leonardo da Vinci (1452–1519). Interessantamain n'è betg ses maletg da *l'Uman Vitruvian* cun sias proporziuns armonicass, mabain ses *Salvator Mundi* – Salvader dal Mund – daventà il maletg il pli char dal mund. L'onn 2005, avant sia renovaziun (ina stresa è vegnida allontanada), valeva il maletg mo pli 1175.- dollars. Suenter sia restauraziun la fin dal 2017 è el vegnì ingiantà d'in Saudiarab per 450'300'000.- dollars. Quest augment sorprendent da la valur sa lascha eventualmain declerar cun il fatg che suenter la renovaziun pon ins imaginar insatge che sa lascha objectivar oz cun matematica complexa: Sch'ins surposta il maletg cun in muster da creschientscha quatterdimensional matematicamain armonic [muster da 4d] (cf. ill.) che va a prà cun il champ da

gravitaziun da la terra – visualisà dal "Tartuffel da Potsdam", sa revelan relaziuns d'anatomia en dumber entirs e la sfera transparenta dal "Salvader dal Mund" pudess senz'auter simbolisar ina forza transparenta e represchentar uschia la gravitaziun da la terra. Era sche da Vinci na pudeva anc betg enconuscher la matematica per il muster 4d (sin basa dal dumber dad Euler; Leonhard Euler (1707-83); matematicher svizzer), è questa supposiziun evidenta, perquai ch'igl è enconuschent che L. da Vinci era s'occupà cun il fenomen da la gravitaziun gia 100 onns avant Isaac Newton (Gharib M et al. (2023) *Leonardo da Vinci's Visualization of Gravity as a Form of Acceleration*. Leonardo; Vol. 57; Issue 4).



Evidentamain ans ha la gravitaziun dà in med d'agid, il sistem decimal, per reparter las relaziuns anatomicas en dumber entirs ed era per declerar fenomens da creschientscha sco p.ex. dents che creschan en, ed era per protocollar quai posteriuramain (cf. ill.). Sche nus tirain p.ex. a niz la pussaivladad da talas schablonas da creschientscha surpostablas sin maletgs per far protocols da terapia areguard las relaziuns e betg areguard las mesiras, èsi era pussaivel d'evaluar posteriuramain cas da pazients gia publitgads e da giuditgar las consequenzas tardivas d'ina terapia. Uschè ditg ch'i na dat en la medischina dentant nagins protocols che sa basan sin ina referenza universal, vegnan ils custs en il sector da sanadad a chaschunar in collaps da nossa societad, perquai che nus na pudain betg emprender da noss sbugls – terapias inutilas na sa laschan betg declerar. Per examinar e manar las facultads medicinalas da las universitads dovra la Svizra in Institut per l'evoluziun da protocols [IEP-Svizra], era sche ses effect sa manifestescha pir en 20 onns. Charas cusseglieras federalas e chars cussegliers federalas, na spargnai betg qua, pertge ch'in tal IEP vegniss fundà e manà da Svizzers (sco per exempel noss'armada). Lur paja turnass sur las taglias ed ils lieus da domicil puspè tar la Confederaziun ed in ciclus natiral sa serrass. Ils ultims 12 onns èn ils custs da las cassas da malsauns s'augmentads tschintg giadas pli fitg per onn che la paja nominala (regiun da paja da la gronda part da las burgaisas e dals burgais). Natiralmain n'è la scrittira cumparida qua betg tuttina bain chapibla per tut ils burgais, ma ils conburgais che han fatg in studi duessan chapir ella. Sche quai n'è betg il cas, maina l'explosiun dals custs sin il sector da sanadad ad ina veritabla guerra civila – sco il 1848.

Adressa da correspondenza: Dr. Dr. Martin vom Brocke MSc. (dentist, ortoped da la missella, matematicher e filosof da la natira).
Via Crusch 15; 7402 Panaduz; 076 423 44 44; martin@vombrocke.ch

